

四庫全書

史部

欽定四庫全書

欽定日下舊聞考卷一百十一

京畿

三河縣

原三河縣在州城東七十里

明一統志

臣等謹按三河縣明隸通州故云在州城東

本朝隸順天府在府東一百一十里

增縣東西距七十里南北距九十里東至薊州界二十里西至通州界五十里南至香河縣界三十里北至密雲

縣界五十五里東南至寶坻縣治九十里西南至通州界七十里東北至平谷縣界十五里西北至順義縣治

九十里

大清一統志

原三河縣本漢臨洶縣地

清類天文分野之書

朱彛尊原按前後漢志上谷涿郡無臨洶縣

增三河縣本漢臨洶縣地唐析潞縣地置三河縣屬幽

州

明一統志

增明一統志三河本漢臨洶縣地今考兩漢書並無臨

洵縣唐書地理志幽州范陽郡潞縣下云武德二年置
臨洵縣貞觀元年省臨洵而薊州漁陽郡三河下云開
元四年析潞縣置故知本是一地先分為臨洵後分為
三河皆自唐非漢也

日知錄

原臨洵石趙所置亦曰臨渠晉永和六年燕慕容霸伐
趙收安樂北平兵糧與其主雋會于臨渠即此城也後

魏廢

方輿紀要

原唐武德二年析潞縣置臨洵縣貞觀元年省開元四

年更置三河縣

新唐書

原縣初置屬幽州開元十八年改隸薊州

太平寰宇記

原金元並屬通州

清類天文分野之書

增三河漢潞縣地唐武德二年析置臨洶屬元州貞觀

初廢景龍三年改臨洶置三河開元四年析潞縣置三

河縣屬幽州十八年改薊州五代初廢後唐長興三年

復置三河晉天福中入于遼屬薊州尚武軍保大末入

于金尋入宋宣和五年屬廣川郡七年仍入金天德三

年升潞縣為通州以三河隸焉元屬大都路明屬順天府通州洪武十年省平谷縣入三河十三年仍設平谷

屬薊州

畿輔通志

增乾隆七年

御製三河縣詩 近山風轉嚴當秋樹如綺策渡過三河馬足怯寒水東穗堆圃場老幼趁墟市稍免凍與饑憂餘亦生喜尋思赤縣廣安得皆似此

臣等謹按三河縣

御製詩恭載首見之篇餘不備錄

原呂高渡三河詩 白馬渡三河春風起綠波天圍燕
樹合山遠漢宮多落電流弓影青雲遏劍歌邊烽方未

息吾敢問漁

蓑 江峯集

原縣城高二丈五尺明嘉靖二十九年知縣事張仁增
崇五尺至四十二年知縣事劉文彬又增五尺其角樓

敵臺則知縣張倫所建也

三河縣志

臣等謹按縣城自

本朝康熙十八年以後屢次領

帑重修城方四里高二丈五尺城門四東曰就日南曰
來薰西曰瞻雲北曰承恩

原舊城在今縣東三里洵河南被水衝廢今三河城即
趙德鈞所改置城方六里濠濶三丈深半之

城邑考

原縣治洪武初建正統間重修儒學在縣治西南金泰
和間建元至正戊子教諭劉元皓建文廟兩廡明宣德

間重修

三河縣志

原元禮部郎中王約有重建三河講堂記亦以縣城始

叛于後唐明宗云名勝志

原元王約重建三河講堂記 禮部侍郎田君嘉甫告
予曰吾邑三河始城于後唐明宗長興三年宣聖廟未
詳其初而廟之講堂乃金泰和五年富察公叛焉榜之
曰明道迄今將百年而摧圯無餘令尹劉君鐸自元貞
二年宰是邑即明道故基而為堂賞不擾民而厥績告
成焉 三河縣志 按富察舊作蒲察今從八旗姓譜
改正

增元珠克三河縣學叛建兩廡記畧 我朝開闢之初
首命內外郡邑各建廟學洵陽當衝道經誦茂開禮樂
弗振泮宮僅蔽風日而兩廡俱闕殊乏從祀之儀至正
戊子教諭劉元皓由平谷秩滿調是邑起焉傷之即白
于縣之令佐叛建兩廡六間兩齋二間計已束修及官
吏捐俸里閭助費工趨事集不數月而成 同上 按

珠克索倫語房屋也
舊作祝阿今譯改

原段家嶺在縣東二十里官道旁

方輿紀要

原靈山華山聖水山駝山俱在縣北靈山去縣治十五里三面出泉形勝記所謂北倚靈山者也又十五里為華山一名兔兒山又十五里為駝山即香河縣駱駝港之源水遠駝山而出故名其地又有石城青梁諸山口聖水山在縣西北三十里又十五里為鳳凰山

名勝志

增端龍山在縣西北五十里舊名旁立山後改新名河

縣志

臣等謹按蟠龍山舊有

行宮乾隆十九年始移建於山迤北之大新莊詳見後
增乾隆九年

御製蟠龍引 蟠龍山名前建行宮偶來駐驛有作

我聞金陵自昔稱龍蟠千秋形勝想像間奕奕瑤光照
薊野蟠龍亦得名茲山江南江北不異地天龍遊戲同
歸禪獅峯驚嶺詎獅驚何如九二見在田南陽卧客吾

心企敢誇乘六以御天

臣等謹按蟠龍引

御製詩恭載首見之篇餘不備錄

原三河以地近七度鮑邱臨洶三水而名

郡縣釋名

臣等謹按七度河之度亦作渡

增洶水又東南逕臨洶城北屈而厯其城東側城南出

水經注

原七渡河在縣西北一名黃頌水源自順義縣黃頌峪

流注縣界下流入于白河鮑邱河在縣西南即白河之
別名也自密雲縣流經通州東境米莊村又流經縣界
至寶坻縣境合于洵河洵河在縣北自薊州平谷縣流
入縣境又東南流入寶坻縣界合于鮑邱河唐志縣北
十二里有渠河塘西北六十里有孤山陂溉田三千頃
渠河疑即洵河之譌也

方輿
紀要

原三河縣西北有泉汲以洗目可愈目疾因名聖水

長安

客
話

原洵河石橋俗名小河橋在縣南門外正德十二年御馬監太監張銳建大學士楊一清作碑記銳邑人也河

縣志

臣等謹按洵河石橋明正德中建萬厯四十六年重修

本朝順治七年康熙三十年乾隆十三年屢經修葺

原明楊一清新建洵河石橋記畧三河縣城南百步有河即古之洵河也東通錯橋西達金雞塘塘境接通薊往來經由之路歲治浮橋以渡河水泛濫橋輒壞僉謂易以石庶可久而工役繁莫之能舉也左都督張明捐

金數千槁工伐石屬前大同副總兵指揮同知趙景董其事度之長三十步高五尺廣若干尺以正德十年十

月工成

石淙索

原錯橋在縣東五里之七渡河

長安客話

臣等謹按錯橋久廢

本朝康熙年間於其地額設渡船四以便行者

增錯橋一名草橋今廢

三河縣志

原宣德三年七月順天府三河縣奏本縣錯橋東通遼海西達京師今年五月霖雨山水暴漲壞橋斃石皆缺

驛使往來不便乞撥軍夫工匠於華山石厰取石修砌

庶幾可成從之

明宣宗實錄

原宣德三年八月丁未車駕發京師戊申駐驛三河縣

東之草橋

同上

原宋裴宿錯橋詩

偶來城下錯橋西神樹樓獨迎暮

啼數騎東來飲河水

一聲羌管碧雲低

燕石集

原劉希彛詩

錯橋臨七渡山色遠洵陽地脉沿溪潤

春流到海長沙

容開麗景樹影弄晴光川上情何極東

遊憶故鄉

名勝志

增大新莊

行宮乾隆十九年建前建石橋一座西石橋一座東木

橋一座

三河縣志

臣等謹按大新莊

行宮內恭懸

皇上御書扁曰止水靈淵曰隨安室曰物外情聯曰法
雨普沾資海滴慧珠通映仰燈然又聯曰勒寒花
樹芳遲發向暖郊原潤逮耕又曰萬頃綠雲秋麥
蔚千村紅雨杏花深

增乾隆三十五年

御製大新莊行宮晚坐詩

過午非常暖蒸為雲密垂

遠山藏影暗平野暮煙披作雨庶幾遇去年有所思春

郊霑尺澤心幸復斯時

昨歲至盤山適當好雨優霑迴蹕經此村農共趁春耕覽之心

慰茲將屆興犁正思甘雨幸午暄雲佈冀釀尺霖復如去年之霑澤以紓望念

增乾隆四十年

御製於大新莊行宮作

列岫對龍蟠

是處又名蟠龍山以南對列岫

得名居停一宿安村民迂行輦衛士解征鞍書史靜如待

庭軒清且寬杏花將欲綻芳信過田盤

臣等謹按大新莊

行宮

御製詩謹繹有關紀述者恭載卷內餘不備錄

原泥窪鎮在縣西二十里有巡司又西十里曰夏店有五槐公館又西二十里曰煙郊與通州接界有官兵戍

守

方輿
紀要

增煙郊

行宮乾隆二十年建

三河縣志

臣等謹按煙郊

行宮建自康熙年間乾隆二十年移建於舊址迤南

正殿外簷恭懸

聖祖御書額曰虛明向遠開殿內恭懸

皇上御書額曰綠淨雲畦聯曰為元后則時天若知小

人依所逸無樓額曰眺遠樓曰遠含澄景聯曰樹

色溪光成靜賞花香鳥語絕塵緣又曰目同碧宇

朗無盡心與白雲散以閒捲房聯曰春色昌昌有
脚化工蕩蕩無私佛室聯曰慈悲顯三千大化圓
通示不二法門皆

御書

增乾隆十年

御製煙郊行宮晚坐詩 春宵雪後寒古月望前潔雪
月成雙清幽齋景殊絕瓷檠燄花落竹竈茶煙歇託好
有常因即事愜靜悅去歲將今夕不起心分別

臣等謹按煙郊

行宮

御製詩恭載首見之篇餘不備錄

原三河驛在縣南關正德初併公樂夏店二驛剏之者

嘉靖二十九年知縣張仁重修今廢

縣志

原明李貢併三河驛記畧三河縣東有驛曰公樂西有驛曰夏店皆去縣二十里使者東西至以驛在野且阻恒不止宿必抵縣宿先是巡撫都御史平湖屠公勲請併于縣為三河驛為衆議廢格正德阜未貢檢舊牘乃運二驛舊材併作成之甚速由是東西使者至皆領于驛縣釋重累爰刻銘于石曰漁陽之西路河之東有

三河縣處乎其中兩驛距縣各二十里使者不留必縣是止前賢謀國節財裕人并二為一道里亦均我聞于朝天子曰可經之營之有堂有厦昔者侯吏輟食而嗟今領于驛寧其室家昔者邑民苦于帳具今領于縣有害斯去事雖由我恐蔽前賢刻銘于石異永歲年同上

原三河縣多曠土宜耕屯有唐會莊為昔時墾植之址

屯政考

補三河縣有延福寺

元崇國寺碑陰

補普安禪師至溫于三河作蓮宮寺

道園學古錄

增舍利塔在縣西門外金正隆元年顯武將軍孟勝建

相傳藏佛牙舍利于於內高十三級

三河縣志

原金中都轉運使劉樞墓在縣西五十里

同上

原劉樞字居中通州三河人天眷二年進士張浩營建燕京宮室選樞分治工役官至中都路轉運使大定四年卒于官

金史本傳

原後唐長興三年趙德鈞為節度使于幽州東北百餘里城三河縣以通薊州運路遼人來爭德鈞擊却之九月朔城三河畢邊人賴之

通鑑

增後唐李存勗拔燕以趙德鈞鎮幽州為節度使乃城

三河而戍之

五代史

欽定日下舊聞考卷一百十一

欽定四庫全書

欽定日下舊聞考卷一百十二

京畿

武清縣

原武清縣在州城南五十里

明一統志

臣等謹按武清縣明隸通州在通州南九十里明一統志作五十里誤

本朝隸順天府在府東南一百二十里

增縣東西距八十里南北距一百八十里東至寶坻縣

界五十五里西至東安縣界二十五里南至天津府靜
海縣界一百五十里北至通州界三十五里東南至天
津府天津縣治一百二十里西南至東安縣治三十五
里東北至香河縣治六十里西北至通州治九十里

清一
統志

原在漕河之西二十五里

漕河
圖志

原武清本漢雍奴縣地屬漁陽郡

清類天文
分野之書

原雍奴藪澤之名四面有水曰雍不流曰奴漢光武建

武二年封潁川太守寇恂為雍奴侯魏遣張郃樂進圍

雍奴即此城矣

水經注

原晉屬燕國後魏仍屬漁陽郡

方輿紀要

原隋屬涿郡唐屬幽州天寶初改為武清縣

清類天文分野之書

原唐改雍奴為武清其舊城距白河十七里在今邱家

莊南

城邑考

臣

等謹按舊城在邱家莊之南距縣東十二里今

其地名舊縣有城隍廟蓋今之縣城自明洪武初

始遷明以前縣治即邱家莊南之故基也

原五代宋金並因舊名元屬大興府至元十二年割屬

鄆州明仍屬通州

清類天文分野之書

原洪武初舊城遭水患遷縣于西八里元衛帥府鎮撫
衙即今治也正德六年罹流賊之變知縣陳希文始築
土垣嘉靖二十二年霸州兵備副使楊大章以垣內多
曠地截去東北二面築土城樹以女牆隆慶三年巡撫
都御史劉應節總督軍務兵部侍郎譚綸甃以磚城周

圍一千五百七十丈高二丈七尺雉堞一千九百八十八敵臺一十八座三門各建城樓北面無門建鎮雍樓

武清縣志

臣等謹按武清縣城於乾隆三十一年領

帑重修城門三東曰遡澗西曰景岡南曰定澄北面不設門建北極臺于其上

原縣治在城北儒學在縣治之南

武清縣志

臣等謹按今武清縣治即元衛帥府故基也儒學

當明洪武時在縣治東北隅嘉靖十六年始移建
于縣治之南

原白河在縣東三十五里即運河也北接灤縣南達天

津

方輿
紀要

原沽河東南逕泉州縣故城王莽之泉調也

水經
注

原洶水又南入鮑邱水又東合泉州渠口故瀆上承漳
沱水於泉州縣故以泉州為名北逕泉州縣東又北逕
雍奴縣東西去雍奴故城一百二十里自漳沱北入其

下歷水澤一百八十里入鮑邱河謂之泉州口陳壽魏志曹太祖以蹋頓擾邊將征之從洵口鑿渠逕雍奴泉州以通河海者今無水

同上

原鳥丸承天下亂破幽州略漢民合十萬戶遼西單于蹋頓尤彊公將征之鑿渠自滹沱入派水名平鹵渠又從洵河口鑿入潞河名泉州渠以通海

三國志

臣等謹洵水鮑邱水詳見通州薊州等卷泉州渠

當鄴道元時已稱無水今其故道久湮矣

原至元十三年八月穿武清蒙村漕渠

元史世祖紀

原郭守敬言通州以南于蘭榆河口徑直開引由蒙村跳梁務至楊村還河以避浮雞洶盤淺風浪速轉之患

元史本傳

原縣南八十里有三角淀周迴二百餘里即古雍奴水也笥溝其別名耳水自范甕口王家陀河及劉道口魚兒里諸水匯于大沽港入于海

名勝志

原南極滹沱西至泉州雍奴東極于海謂之雍奴藪其

澤野有九十九澱

水經注

原

等謹按三角淀即古雍奴水今已淤成平陸乾隆七年大明寶止地百頃餘分給附近貧民耕種與名勝志所載二百餘里不符當由今昔異形漸淤則界址漸小耳范甕口在縣南七十五里王家院今名王慶院在縣南九十里劉道口在縣南六十里魚兒里今名魚壩口在縣南八十里大沽港屬天津

原武清三角淀云是舊城陰晦之旦漁人多見城堞市

里人物填集

燕山叢錄

臣等謹按武清舊城在縣南八里泉州舊城在縣東南四十里遺址尚存至三角淀相傳即古雍奴水何由築城燕山叢錄所云恐傳聞之誤若所稱陰晦之旦見城市人物或亦如蜃樓海市之類以是證其為舊城鑿矣

原清沽港在縣南八十里西接安沽港東合丁字沽入

于海丁沽東南去天津六十里

方輿紀要

臣

等謹按清沽港今名東沽港在縣西南九十里

屬武清安沽港丁字沽俱屬天津

原沽河從塞外來南過漁陽狐奴縣北西南與濕餘水合為沽河又東南至雍奴縣西筍溝又東南至泉州縣與清河合東入于海

水經

原筍溝濕水入焉俗謂之合口也

水經注

原至大二年十月渾河水決武清縣王甫村隄濶五十

餘步深五尺三年二月委官督工修治至五月工畢延祐元年六月渾河決武清縣劉家莊隄口差軍七百與

東安州民夫協力同修

元史河渠志

原泉州城在縣東南四十里漢縣屬漁陽郡後漢因之

晉屬燕國北魏太平真君七年廢入雍奴

方輿紀要

原縣西南三十里有長城故址延袤數百里相傳戰國

時燕所築

武清縣志

臣等謹按長城故址今廢

原鄆水店在縣北三十里往來孔道也

方輿紀要

臣等謹按鄆水店今名鄆水鋪與通州接壤

原河西務在縣東北三十里自元以來皆為漕運要途
明初大軍由直沽敗元人于河西務今為商民攢聚舟
航輻輳之地設戶部分司駐焉隆慶六年築城環之可
以守禦有河西驛并置巡司於此

方輿紀要

原中衛屯田世祖至元四年于武清香河等縣置立十
一年以各屯地界相去百餘里往來耕作不便遷于河

西務荒莊楊家口青臺楊家口等處

元史兵志

原至元二十四年正月以修築柳林河隄南軍三千浚

河西務漕渠

元史世祖紀

原至元二十五年内外分置漕運司二其在外者于河

西務置司領接運海道糧事

元史食貨志

原二十六年五月發武衛親軍千人濬河西務至通州

漕渠二十九年二月發通州河西務粟賑東安固安薊

川寶坻縣饑民

元史世祖紀

原河西務十四倉曰永備南倉永備北倉廣盈南倉廣盈北倉充溢倉崇墉倉大盈倉大京倉大稔倉足用倉

豐儲倉豐積倉恒足倉既備倉

元史百官志

臣等謹按河西務十四倉今廢

原隆慶四年八月築通州河西務城

明穆宗實錄

原傅若金河西務詩

驛路通畿甸

款倉俯漕河

西日去帆馳北風過燕薊舟車會江淮貢賦多近聞愁

米價素食定如何 傳吳礪詩集

原王懋德過河西務詩 霜滿平堤柳漸凋月移帆影

過東橋卧聽柔櫓鳴秋水絕勝鄰雞報早朝 文翰類

原吳寬宿河西務遇雪詩 客懷牢落鬢毛斑 水宿
淹旬去路艱 一夜雪花如席大 始知身已到燕山 鮑

翁家藏集

原李東陽舟發張家灣宿河西務作 蒼茫正合塵中

眼 標柳真朱水上舟 江月海雲疑是夢 畫圖詩卷坐清
憂 沙邊細浪隨鷗鳥 樹裏青山入柁樓 行過驛亭三十

里五更風息住灘頭 懷麓堂集

原靳賁宿河西務詩 信宿河西務 離心日義回 望凝

天閣近門許使車來寒氣著人薄 晴光向客開 明朝須

早發 匹馬上金臺 戒庵集

原江以達河西務東談地官詩 沙黃日赤天欲暮 長

河簸濤風力怒 達樹全分剗北門 行人正滯河西務 賦

書寄與地官郎 可惜相逢不盡觴 扁舟兀兀共誰理 回

首故人空斷腸 午坡集

原樊阜河西務詩 達樹蒼茫夕照低 短篷沽酒泊河

西 玉環歸去春無力 莎草含烟綠未齊 樊氏摘稿

原鄴伯興河西勸詩
早向河津涉東風
意盡然碧迎堤上柳青
鎖波頭鶯語聲
猶澀花飛色轉妍
春光憐

已募史憶五湖

船修吉堂稿

原楊村驛在縣南五十里建文三年平安敗燕兵于楊村進攻通州不克宣德初駕征高煦駐于楊村即此舊

有巡司金草管河通判駐焉

紀方
要興

原至元十三年七月以楊村至灣雞泊漕渠洄遠改從

孫家務

元史世祖紀

原至元十九年用丞相巴延言初通海道漕運抵直沽

以達京城立運糧萬戶三以羅壁朱清與張瑄為之壁

首部漕舟由海洋抵楊村不十日入京師

元史本傳
按巴延蒙古

語富也舊作

伯顏今改

原顧夢圭夜泊楊村詩

秋風娟娟燕山外海月娟娟

潞水隈萬里舟航心已倦六年宮闕夢初回金莖不慰

文園渴羽扇難遮紫陌埃寄語三江好泉石征夫還逐

雁南來 疣贅錄

補馬臻舟次楊村作 前望同舟遠不分打頭風急御

河渾寒驢無力牽船纜行到楊村日已昏 霞外集

朱昆田原按今京東五牐轉運率用驢挽船誦馬

虛中詩則在元已然矣

原楊村而東二十里為桃花口又二十里為丁字沽由
楊村而西北四十里為黃家務又三十里為河西務皆

運道所經也

與程記

臣等謹按黃家務在河西務東南三十里屬武清

桃花口丁字沽俱屬天津

原新莊在縣西南八里亦運河所經今為新莊鋪又縣
有八里莊正德中流賊劉六等作亂官軍擊之于八里

莊敗績

方輿紀要

原霍堡在縣西唐武德初竇建德攻幽州不克乃分兵掠霍堡及雍奴等縣為幽州總管羅藝所敗堡蓋居民霍氏所築以自固也

同上

原河西務漕渠之咽喉也春夏之交病涸夏秋之交病溢濱河建有龍祠以時祭禱兩崖旅店叢集居積百貨為京東第一鎮戶部分司于此權稅

長安客話

臣等謹按河西務龍神祠今尚存

補河西務萬歷中重築河隄有關使者米公萬鍾碑又

有閼侯廟記

黃圖
雜志

臣
等謹按河西務

閼聖廟今尚完整明米萬鍾碑記尚存

廟米萬鍾重建河西務漢前將軍閼侯廟記略 距雍
奴東北一舍而遙有閼市焉以其在白河之西曰河西
務居然重鎮也故推部駐是市口舊有漢閼侯廟建自
勝國一新於弘治丙寅再新于萬歷丁丑至辛亥夏淫
霖為虐浸漬侯之廟正當其衝樓廡雖壞殿宇屹立如
故殿右居民賴以存象荷侯庇復謀所以新廟而鳩工
未集明年萬鍾來董閼政並以俸錢殿廡門垣丹堊相
錯脩健外障可承無虞雖奴故隸涿郡侯與昭烈帝張
桓侯奮迹之區神祀宜先及之其為
白河禦寇詳惠必無矣 勺園臺

欽定四庫全書

四

欽定四庫全書

土

原法昌寺在縣治東北永樂十八年建

寰宇通志

原彭寵攻朱浮于薊帝使進擊將軍鄧隆救薊隆軍路

南浮軍雍奴

後漢書

補漢安平相孫根碑遷雍奴今先施博愛威而不猛

釋

原至德二載正月李忠臣以步卒三千自雍奴為葦筏

過海

舊唐書

原遼重熙八年二月獵于武清寨之葦甸

遼史

臣等謹按葦甸據縣志云即三角淀

又按武清縣自

本朝雍正八年分邑之東南一百四十餘村歸天津縣
如直沽楊柳青等處朱彝尊原書所載今均非武
邑所屬謹將原書各條另編附載武清卷後以存
其舊云

原縣南百里有韓家村河泊所今廢

武清縣志

臣等謹按自韓家村以下皆附載原書內舊隸武
清今隸天津各條

原至元二十五年四月增立直沽海運米倉

元史世祖紀

原羅璧督漕至直沽倉潞河決水溢幾及倉壁樹柵率

所部畚土築堤捍之

元史本傳

原至大二年四月摘漢軍五千給田十萬頃于直沽沿

海口屯種三年四月市耕牛農具給直沽酸棗林屯田

軍

元史武宗紀

原延祐三年正月改直沽為海津鎮

元史仁宗紀

原延祐七年四月海運至直沽調兵千人防戍至治元

年三月發民丁疏小直沽白河五月海漕糧至直沽三

年二月海漕糧至直沽

元史英宗紀

原泰定三年八月作天妃宮于海津鎮

元史泰定帝紀

原天歷元年九月募丁壯守直沽

元史文宗紀

原至正九年四月立鎮撫司于直沽海津鎮十一年六

月發軍一千從直沽至通州疏濬河道

元史順帝紀

原至正十七年毛貴率賊衆由河間趨直沽遂犯鄆州

元史

列傳

補至正十九年納琳由海道趨直沽山東俞寶率戰艦斷糧道納琳命其子安安及同舟人拒之破其衆于海口

元史

按納琳蒙古古語細也舊作納麟今譯改

原二十六年六月命知樞密院事瑪魯以兵守直沽

元史

順帝紀

按瑪魯滿洲語瓶也舊作買閭今譯改

原直沽河淤數年中書省委崔敬浚治之給鈔數萬錠

募工萬人不三月告成

元史本傳

原直沽設廣通倉

元史百官志

原元都于燕去江南極遠而百司庶府之繁衛士編民之衆無不仰給于江南自丞相巴延獻海運之言而江南之糧分為春夏二運蓋至于京師者一歲多至三百萬餘石民無輓輸之勞國有儲蓄之富豈非一代之良法歟初巴延平江南時嘗命張瑄朱清等以宋庫藏圖籍自崇明州從海道載入京師而運糧則自浙西涉江入淮由黃河逆水至中灤旱站陸運至淇門入御河以達于京後又開濟州泗河自淮至新開河由大清河至

利津河入海因海口沙壅又從東阿旱站運至臨清入
御河又開膠萊河道通海勞費不貲卒無成效至元十
九年巴延追憶海道載宋圖籍之事以為海運可行于
是請于朝廷命上海總管羅璧朱清張瑄等造平底海
船六十艘運糧四萬六千餘石從海道至京師然創行
海洋沿山求嶼風信失時明年始至直沽時朝廷未知
其利是年十二月立京畿江淮都漕運使二仍各置分
司以督綱運每歲令江淮漕運司運糧至中灤京畿漕

運司自中灤運至大都二十年又用王積翁議令阿巴齊等廣開新河然新河候潮以入船多損壞民亦苦之而蒙古俗言海運之舟悉皆至焉于是罷新開河頗事海運立萬戶府二以朱清為中萬戶張瑄為千戶蒙古俗為萬戶府達嚕噶齊未幾又分新河軍士水手及船千揚州平灤兩處運糧命三省造船二千艘于濟州河運糧猶未專于海道也二十四年始立行泉府司專掌海運增置萬戶府二總為四府是年遂罷東平河運糧

二十五年內外分置漕運司二其在外者于河西務置
司領接運海道糧事二十八年又用朱清張瑄之請併
四府為都漕運萬戶府止令清瑄二人同掌之其屬有
千戶百戶等官分為各翼以督歲運至大四年遣官至
江浙議海運事時江東寧國池饒建康等處運糧率令
海船從揚子江逆流而上江水湍急又多石磯走沙漲
淺糧船俱壞歲歲有之又湖廣江西之糧運至真州泊
入海船船大底小亦非江中所宜于是以嘉興松江秋

糧并江淮江浙財賦府歲辦糧充運海漕之利蓋至是博矣初海運之道自平江劉家港入海經揚州路通州海門縣黃連沙頭萬里長灘開洋沿山嶼而行抵淮安路鹽城縣歷西海州海寧府東海縣密州膠州界放靈山洋投東北路多淺沙行月餘始抵成山計其水程自上海至楊村馬頭凡一萬三千三百五十里至元二十九年朱清等言其路險惡復開生道自劉家港開洋至攢脚沙轉沙觜至三沙洋子江過區擔沙大洪又過萬

里長灘放大洋至青水洋又經黑水洋至成山過劉島
至之罘沙門二島放萊州大洋抵界河口其道差為徑
直明年千戶殷明畧又開新道從劉家港入海至崇明
州三沙放洋向東行入黑水大洋取成山轉西至劉家
島又至登州沙門島于萊州大洋入界河當舟行風信
有時自浙西至京師不過旬日而已視前二道為最便
云然風濤不測糧船漂溺者無歲無之間亦有船壞而
棄其米者至元二十三年始責償于運官人船俱溺者

乃免然視河漕之費則其所得蓋多矣

元史食貨志按阿巴齊蒙古

語行國人也舊作阿八赤蒙古俗即蒙古也舊作忙兀解今俱譯改

原元自世祖用巴延之言歲漕東南粟由海道以給京師始自至元二十年至於天歷至順由四萬石以上增而為三百萬以上歷至元後歲運之數漸不如舊至正元年益以河南之粟通計江南三省所運止得二百八十萬石二年又令江浙行省及中正院財賦總管府撥賜謁人寺觀之糧盡數起運僅得二百六十萬石而已

同上

原朱張海餉自三山大洋徑至燕京且言自古所未嘗
行此道昉自今始然杜少陵出塞詩云漁陽豪俠地擊
鼓吹笙竽雲帆轉遼海粳稻來東吳越羅與楚練照耀
輿臺軀又昔游詩云幽燕夙用武供給亦勞哉吳門持
粟帛汎海凌蓬萊然則自昔燕地皆海運非始于今矣

浩然齋

視聽抄

原海漕運米南土給餉京師內置漕運使司暨萬戶府

于京畿外立都漕運萬戶府于吳會歲運米三百五十萬石北抵直沽漕運萬戶之在內者部署其官數往翼舟航交受所運達之京倉朝廷又選官接領交護名曰

接運

柳待制集

原世祖定都于燕合四方萬國之衆仰食于燕以中吳水所聚也故建漕府萬艘如雲畢集海濱之劉家港于是省臣漕臣齋戒卜吉于天妃靈慈宮卜既協吉仍率其屬鳴金鼓以統漕建纛置牙莫敢後先每歲春夏運

糧舟將抵直沽即分都漕運官出接運中書省復遣才幹重臣從至海壩交卸石以數百萬計而較計至于合勺顆粒畸不得虧盈不得溢是亦難矣

玩齋集

原元海運自朱清張瑄羅璧始歲運江淮米三百餘萬石以給元京四五月南風至起運得便風十數日即抵直沽交卸朝廷以三人之功立海運萬戶府以官之賜鈔印聽其自印鈔色比官造加黑印朱加紅

草木子

原朱清張瑄者海上亡命也久為盜魁出沒險阻若風

與鬼劫掠商販人甚苦之至元二十一年已延建議海
運乃招二人授以金符千戶押運糧三萬五千石仍立
海道萬戶府三以清瑄與羅璧為萬戶轄千戶百戶所
領虎符金牌素銀牌船大者不過千石小者三百石自
劉家港出揚子江盤轉黃連沙嘴月餘始至淮口過膠
州牢山一路至延真島望北行轉成山西行到九疊島
劉公島沙門島放萊州大洋收界河兩月餘抵直沽實
為繁重至元二十六年增糧八十萬石二月開洋四月

直沽交卸五月還復運夏糧至八月回一歲兩運是時
船小人多恐懼至元二十七年朱萬戶請長興李福四
押運自揚子江開洋落潮東北行離長灘至白水綠水
經黑水大洋北望延真島轉成山西行入沙門開萊州
大洋進界河不過一月或半月至直沽漕運利便是歲
加朱為浙江省叅政張為浙江鹽運司都運如是者二
十餘年大德七年招兩浙上戶自造船與腳價十一兩
五錢分撥春夏二運延祐以來各造海船大者八几千

小者二千餘石歲運三百六十萬石京師稱便迤南番貢亦通蓋自上海至直沽內楊村馬頭凡一萬三千三百五十里不出月餘可以達省費不貲若長樂港出福州經崇明以北又自古未有之利也國朝洪武三十年猶倣其制歲運七十萬石以給遼東至永樂間會通河成始不復講

補永樂初定鼎幽薊嘗海運米七十萬石至直沽交卸
以實京儲故道猶存

補元人海運始于丞相巴延初巴延平江南以宋庫藏圖籍命張瑄朱清等自崇明從海道載入燕京後遂獻海運之議江南之糧分為春夏二運歲至三百萬餘石其運道初自劉家港入海至海門縣界開洋月餘始抵成山計其水程自上海至楊村馬頭凡一萬三千三百五十里最後千戶殷明畧者又開新道從劉家港至崇明州三沙放洋向東行入黑水大洋取成山轉西至劉家島又至登州沙門島于萊州大洋入界河當舟行風

信有時自浙西至京師不過旬日而已明初亦歲運七十萬石以給遼東及會通河成海運遂廢隆慶五年河道潰決戶科給事中宋良佐請復海運時山東巡撫梁夢龍極言可行謂海道多潢猶陸地多岐海人行海猶陸人行陸傍海而行非橫海而渡今踏出海道傍海居多較元人殷明畧踏出之道尤屬穩捷遂以山東布政王宗沐為總河專司海運至萬歷元年以龍關傷七艘

議罷

禹貢山水考

增景泰元年運糧共撥十五萬自丁字沽直抵雄縣諸

處令軍民官司設法每處運五萬石收貯備用

明興彙

原正德五年六月罷濬沽河之役先是巡撫都御史劉聰建議開濬自沽河抵鴟鴻橋以便輸運至是工部言其非便罷之

明武宗實錄

原正德十六年九月工部覆遮洋運糧指揮王瓚奏直沽東北有新河以轉輸薊州所司不及時疏導河流阻澀必候潮至舟乃可行以致邊餉每匱請濬之使深廣

以通歲漕從之

明世宗
實錄

原嘉靖六年正月命工部主事江珊會同巡按御史天津兵備督理新河工程先是海口淤塞漕舟從天津出海復折入梁河而達薊州道遠水湍舟數敗議者謂直沽東北岸有二道一曰新開一曰水套北接梁河徑四十里可以疏濬成河改由北道無涉海之慮謂之新河行之天順間民大稱便後歲久湮塞漕臣以為言工部議委官督濬疏珊名以請從之

同上

增後世漁陽之泉州雍奴去海不遠北境之水驟注其地自下溢流鍾為水澤說者謂為九十九澱又目之以為派河尾也夫水之鍾為淤澱其多至九十有九豈有致功而陂蓄之者哉水聚而地卑其藪澤之多固其所也

程大昌禹貢論

原直沽在縣東南一百二十里衛河白河丁字沽合流于此又東南四十里名海口通典謂之三會海口元於此置海津鎮天順二年議自小直沽鑿河四十里達薊

州以免海運每三年一濬尋罷

方輿紀要

原三沽者丁字沽西沽直沽並禹跡疏導之處其曰丁字沽者以河形三岔如丁字也合衛河白河會于直沽相縈入海土人呼直沽曰大直沽

長安客話

原大河以北之水多從直沽入海此即古者九河入海之處地勢卑下遇霖潦直與海平昔人嘗欲因其填淤置稻田以足賦今府境諸水類以直沽為壑

武清縣志

原小直沽有巡司

同上

補洪武元年徐達等規取河北進攻直沽獲海舟作浮
梁濟師常遇春率舟師諸將率步騎夾河進元丞相伊
蘇帥衆禦海口望風大潰

鴻猷錄

原完顏佐初為武清縣巡檢完顏耀珠為柳口鎮巡檢
久之以佐為都統耀珠副之成直沽寨

金史 按耀珠
舊作敵住今對

音譯
改

臣等謹按柳口鎮沽寨俱屬天津

原元賊夢解直沽莊 難還東入海歸來幾人在 紛紛
道路覓字獨笑我蓬門絕壯蓋虎不食堂上肉狼不驚

里中岫風塵出門即險阻何況茫茫海如許去年吳人
赴燕薊北風吹人浪如砥一時輸粟得官歸我馬推牛
宴間里今年吳兒求高遠復倚天妃上海船北風吹兒
墮黑水如知溪澗皆墓田勸君陸行莫忘萊州道水行
莫忘沙門島豺狼當路蛟龍爭寧論他人致身早君不
見賈胡剖腹藏明珠後來無人驚覆車明年五月南風
起猶有行人問直沽寰宇通志

原黃鎮成直沽客行直沽客作客江南又江北自從
兵甲滿中原道路艱難來不得今年却赴直沽船黑洋
大海波連天順風半月到閩海只與七州通賣買嗚呼
江南江北不可通只有海船來海中多風多賊徒
未知來年來得無秋聲集

原傳若金直沽口詩遠漕通諸島深流會兩河鳥依
沙樹少魚傍海潮多轉東春秋入行舟日夜過兵民雜
居久一半解吳歌海戍沙為堡人家葦織簾使收通
漕米兵捕入京鹽壘憶霜時賤蛟愁夏夜添南人併船

坐閒愛草纖纖

傳與礪詩彙

原王德德直沽詩

柱目滄溟浸碧天蓬萊樓閣遠相

連東吳轉海輸糧

稻一夕潮來集萬船

長安客話

原張昱輩下曲

國初海運自朱張百萬樓船渡大洋

有訓不教忘險阻

御厨先飯進黃糧

張光弼詩集

原王洪過直沽城詩

水出漁陽地山橫薊北天高樓

瞰海日達嶼入江烟市集諸番船軍屯列郡田風高激

刀斗露重濕旌旗匪獨關河北由來節槩全精兵亘雲

翔勁騎出幽燕大漠黃塵外三韓落照前將持定遠策

不用統朝鞭

穀齋集

原徐石麟夜發靜海散直沽作

禾黍高低弄夕曛

燈寒亂破黃昏樹蒸夜氣三分雨帆掛秋風一葉雲靜

海金鉞傳古戍直沽牙間駐新軍飛鷲已竭東南力何

日天山始策勲

可經堂集

原無名氏直沽權歌

天地廟對直沽開津鼓連船柳

下催甕酒未終舟子報枕樓黃蝶早飛來

雲帆十幅

下津門日落湖平不見痕
葦甸茫茫何處泊一燈明處
有漁村
蘼蕪楊柳綠依依
橘燕橘鳥立又飛
賺得南

人歸思緩白魚紫蟹四時肥
黃圖雜志

病鵝歸棹起輕鷗
雨重雲光濕天低樹色浮
京塵今已

洗從此問菰裘
清客居士集

萬張翥代祀天妃廟次直沽作
曉日三叉口連橋集

萬艘普天均雨露
大海靜波濤入廟靈風肅
焚香瑞氣

高使臣三奠早喜色滿宮袍
蛻菴集

蒲生崑賢直沽詩
直沽風月可消愁
標落燕山第一

州細問花名何處出
揚州十里小紅樓
自序詩尾聯

以古句蓋滑稽也
鯨背吟

蒲張以寧直沽詩
野濤天低水人家
時雨三鴈聲連

漠北魚味勝江南
雪擁蘆芽短寒禁
柳眼絨持竿吾欲

往拙宦爾何堪
翠屏集

補釋來復燕京雜咏
兩風吹到運糧船
萬斛香航倍

上年傳勅漕臺添氣力賜
金多辦太平筵 蒲菴集

原楊柳青地近丁字沽四面多植楊柳故名于文定慎
行詩楊柳青垂驛蘼綠到船潘舍人季緯詩客路蘼

蘼綠人家楊柳青

長安客話

原楊柳青驛在縣東南一百五十里舊置驛并遞運所于
此嘉靖十九年改置于天津衛今屬河間府靜海縣


方輿

紀要

蒲菴稱朱窩楊柳青詩
如遠行客相逢不知老

朱窩楊柳青自愛青青好亦
清客居士集

原謝遷楊柳青詩 直沽南頭楊柳青昔時楊柳今凋
零霜風滿地散黃葉河邊寂寞數邦亭人道垂楊管維
別北往南來競攀折我來袖手憐枯枝踟躕臨河駐旌
節五雲回首懷漢宮丹楓轉眼經霜空李梅冬實豈佳
味重誕奔走啞狂童陽回萬物自生色韓旄造化慚無
力百年心跡歲寒同却憶南山舊松柏 木翁歸田稿
原高承堤過楊柳青作柳梢青詞 春事今年山桃無
恙花朵依然細雨霑沙歸雲逗日淺碧羅天青青楊柳
隄邊且繫住烏篷小船荻笋新芽
河豚欲上拚醉壚前 簪古堂集



欽定日下舊聞考卷一百十二

欽定日下舊聞考卷一百十二舉正

朱清張瑄羅璧原書訛作朱瑄張璧今改

元海
運條

欽定日下舊聞考卷一百十二舉正

欽定四庫全書

史部

欽定日下舊聞考卷一百十五

三
五

詳校官庶吉士臣范逢恩

檢討臣德生覆勘

總校官進士 臣程嘉謨

校對官進士 呂單可璫

膝錄監生黃珩

欽定四庫全書

欽定日下舊聞考卷一百十三

京畿

寶坻縣

今制分設寧河縣

臣等謹按寶坻縣於

本朝雍正九年分邑之東南境置寧河縣今先叙寶坻
于前而以境隸寧河者列于後

原寶坻縣在州城東南一百二十里

明一統志

臣等謹按寶坻縣明隸通州故云在州東南一百

二十里

本朝以縣隸順天府在府東稍南一百八十里

原縣東西距九十里南北距一百三十里東至遵化州
玉田縣界六十五里西至香河縣二十五里南至天津
府天津縣一百十三里北至薊州一十七里東南至寧
河縣界九十里西南至武清縣界四十里東北至薊州
界二十里西北至三河縣治四十里

大清
一統志

原寶坻漢泉州縣地後唐於此置鹽倉金初為新倉鎮

大定十二年置寶坻縣

方輿記要

原以香河縣近民附之承安三年陞盈州為大興府支

郡以香河武清隸焉

金史

原泰和四年州罷仍為寶坻縣元屬大都路

清類天文分野之書

原劉昫顏新建寶坻縣記略

幽州泰為工谷郡歷漢魏至隋唐或為燕國或為廣陽國或為涿郡或為范陽

郡廢置更易不常唐末

劉仁恭帥燕其子守光僭稱燕王

置蘆臺軍于海口鎮以脩滄州後唐莊宗命大將周德

威破燕軍于平岡復收蘆臺軍同光中以趙德鈞鎮其地遂因蘆臺兩地置鹽場又舟行運鹽東去京國一百

八十里相其地高阜平濶因置推鹽院謂之新倉以貯鹽復開渠運鹽實于瀛莫間上下資其利清泰三年晉

祖以連主有據立之勞遂以山前後十六州道連改爲燕京因置新倉鎮其後居民漸聚成井肆遂於武清北鄒孫村度地之宜分武清靜海三河之民置香河縣仍以新倉鎮隸焉國朝天德間詔建都于燕京于時畿內重地新倉鎮頗爲稱首以權院荀勗德鈞創始以來歷遼室及國朝二百年每歲所出利源不竭以補國用故也主工中興撥亂反正思補正隆殘弊命有司改權鹽院署置使司陞爲五品設副使之官俾從秩視諸刺史郡以重其事于時居人市易井肆連綿加之河渠運漕通于海嶠萬師舟子鼓枻揚帆愆遲有無雖千里之遠旬日而至猶梁秦覆魚蟹不可勝食而材木亦不可勝用也大定十有一載辛卯冬至郊天後鑾輿東巡幸于是郡歷覽之餘顧副侍臣此新倉鎮人煙繁庶可改爲縣明年有司奉命折舊河縣東偏鄉閭萬五千家爲縣謂鹽乃國之寶取如坻如京之義命之曰寶坻列爲上縣著于版籍是歲春除令丞簿以典其事勢有縣令振

威將軍王誕來尹是邑縣丞忠武校尉李願主簿儒林郎李拱昌縣尉昭信校尉孫告中泰孫連判以備其職時坊郭居民千有餘家自餘村間著為四隣東曰海濱南曰廣川西曰望都北曰渠陽縣署草創未有公廨縣僚乃相地之宜於渠水之南大覺招提之西卜為縣廨招提之東縣丞主簿公署次之又于縣北郭之外卜尉廳焉方營建間吏民鼓舞莫不于來不一二年皆以即叙于是磐石以紀其實 實抵縣志

原縣治金大定間相地在大覺寺之西元季兵火無存

洪武元年遷於城之西南隅三年縣丞柳青重葺

同上

原縣舊為土城弘治間知縣事莊禪始易之以甃高二丈六尺周一千二十八丈厚與高等池濶倍之門四其

名循金之舊門各建樓東觀瀾南迎薰西拱恩北威遠
水關二北開源南節流角樓四東北挹青東南環碧西
南慶豐西北樂治合而名之曰拱都城有吏部侍郎王

鏊左春坊吳儼二碑

同上

臣等謹按寶坻縣城于乾隆三十一年領

帑重修城門及門樓水關等名俱如其舊

增明王鏊寶坻新城記略 雖寶坻作固京畿故有城
歲久而惡弘治戊午武進莊侯禪以進士來知是邑始
謀重作之相方視址程材藏工法嚴令一衆手競勸經
始于庚申之四月迄辛酉夏孟而城立矣何其速也城

之周可七里池繞之而貫乎其中為門四東曰海濱南曰廣川西曰望都北曰渠陽門之上為樓四隅為角樓作石堰于水者二作浮梁于河者四城高而堅池廣而深于是邑之老稚欣欣相告于謂城之設以備患也故城謝城朔方詠於詩城邢城楚邱書于春秋則城之作豈可少乎莊侯可謂能用其民矣 寶坻縣志

增明吳儼新修寶坻城記略 縣故城其興廢不可考自入版圖百餘年四境又安守土者不思重門擊柝之戒不復修築今則漸復于隍遺址之存者無幾矣武進莊君誠之出宰是邑顧瞻咨嗟即欲有所為而猶恐民以為厲己未暇也既二年政成民和乃以白于巡撫都憲洪公公曰是在畿內保障之計不可緩顧財用安出爾其毋病小民毋耗公帑惟其富且義者圖之誠之承命惟謹乃募民出粟受冠帶民皆歡然聽命而貴戚大族寓于邑者亦皆為之助焉甫期而工畢名之曰拱都城盜取其密邇皇都也書曰爾身在外乃心罔不在王

室公實有焉

同上

原儲巖寶坻道中作

黃渡坎西仍渡河行行官樹夕

陽多客程莫怨黃昏近明
月滿空流素波

張璠集

原儒學在縣治東北元大德二年中書省左丞劉深宣

慰使都元帥朱斌御史布延創立至正十年監邑哈斯

彥明重修有雷州路總管府經歷鄭惠撰記洪武七年

知縣事何文信即學宮之右闢地建射圃亭自為記弘

治間知縣事武尚信復修之鉛山費宏作記

寶坻縣志

原淤泥河在縣西北二十五里

同上

原潮河隄自縣西北金陵口抵縣東南江湟口二百餘

里

同上

臣等謹按潮河一名薊運河自縣治西北與三河縣接壤之新集起流經城東南至寧河縣之江湟口又南流出北塘口入海雍正四年

世宗憲皇帝命王大臣相度

頒發內帑修築潮河舊堤截灣取直加高培厚自新集起至料馬莊止計長一百八十里又開濬鮑邱河

窩頭河二道以洩境內之水至雍正八年奉

旨開青龍灣引河自香河至寶坻縣西之楊家場直抵
寧河之寧車沽計長九十里又于縣境之繡針口
開支河一道至八門城止計長八十餘里自是以
來寶坻境東西北三面皆濱河繞以長堤境內又
有支河數道以備宣洩潮汐通流灌溉攸資永為
民利矣

原潮河在縣東二十里一名白龍港其上源一自遵化

關入城經武曲橋直注文昌閣下過文明橋西抵文廟
之泮池復南流由通津橋出節流水闕蜿蜒百里至八
門城會潮河入海

同上

臣等謹按渠河亦名窩頭河

原柳沽河在縣東北三十里玉田縣之水會流入縣境

曰柳沽河下流注于白龍港

方輿紀要

原縣東南有草頭湖遵化豐潤縣境之水流入縣界溢

而為湖會潮河入海

同上

原自寶坻之草頭沽至豐潤之黑鷄地宜各以衛兵守

之

籌兵三十
十六字

原縣東南有七十二沽

寶坻
縣志

原三义城在城東北

名勝
志

原秦城在縣南十里秦始皇并燕築城置戍唐太宗征

高麗嘗駐驛焉

方輿
紀要

補秦城相傳始皇所築李君虞詩惆悵秦城送獨歸者

蓋即此地也

薊邱
雜抄

原城內有金大定十年所建舍利甄塔

寶坻縣志

臣等謹按舍利塔旁有石志云前大安間所建考

大安乃遼道宗年號則建塔當始自遼矣

補李益送客還幽州詩 惆悵秦城送獨歸 薊門雲樹
遠依依 秋來莫射南來鴈 縱道乘春更北飛 李益詩集

原王甫營在縣北三十里又縣北八里有橋頭店縣東

南百二十里有黃沽店俱官軍巡戍處

方輿紀要

原歇馬臺故址在寶坻縣南五里相傳金章宗駐驛處

長安客話

原羅將軍墓在縣北羅村即羅士信也征高麗經此道

卒葬焉

名勝志

朱彞尊原按新唐書士信從秦王擊劉黑闥沼水上得一城守之城陷不屈死王購其尸以葬初士信為裴仁基所禮及東都平出家財斂葬北邙以報德且曰我死當墓其側至是如所志然則士信之墓當在北邙矣

增大覺寺在縣東街遼重熙時建

寶坻縣志

原舊縣治在東門大覺寺內有古鐘傳自東海浮來

名勝志

朱彞尊原按張瓚記鐘為寺僧行超所鑄東海浮來之說傳之者妄也

原僧洪源自潁川來居寶坻建彌陀菴于城南後趺坐而化其徒閣維之烈焰已絕色身如故乃作龕供之髮

髻髻長月一削之後為女子摩其頂髮遂不長

燕山叢錄

原金張瓚大覺寺記 下管院在新倉水南始遼重熙間老僧常往建彌陀佛舍後趺坐而化火之不灭夏臘七十餘其徒二人以師像立于佛側己而髮再生盈月則削為女子所汚而止二僧傳其法度沙門五人志普

志言志名志遠志月自是佛宮日廣建毘盧殿尋更為十方院遠之天慶六年也其後又建彌陀殿與兩廡及藏經之所又治鐘既成將建樓而主僧行超遇疾以貞元初年十二月逝僧善祖主寺建窣堵以葬其師又建內經一藏漆函金飾工制瑰瑋刻毘盧壇覆以氍毹珠纓寶幟文采燦然又建東堂及鐘樓開園鑿井軌垣一周于是僧徒伐貢石屬西來客張瓚書其事贊為孔氏學若浮屠非宿所嗜見起師不忘祖功有足嘉者于是乎書寶

城舊志

原廣濟寺有遼碑二一銀青榮祿大夫檢校司徒宋璋

佛殿記太平五年立一重熙五年立

寶城縣志

增遼宋璋廣濟寺佛殿記畧夫間宏高威德運大神通金剛座中果結菩提之樹靈鷲山上經宣菡萏之花

是以明帝夢從于漢室佛寶初光葉公取至于唐時法輪漸轉故自三千界神化之後五百年衆教以來通覺路于羣生闢空門于歷代粵有僧宏性演武井邑生身文殊閣院落髮竭誠持之力振拔沉淪宏方便之機贊禪調御屬以新倉重鎮舊邑多人志謂嚮風咸云渴德載勤三清源契四宏此則振錫爰來寧辭越里彼則布金有待永奉開基因適願以經營遂立誠而興建富庶傾心賓寮幸已材呈而風舉雲搖匠斲而雷奔電擊乃以鑿甘井樹華亭建法堂延講座累功歲久報力時虧念光陰之不停嗟羸老之將至乃謂門人道廣曰吾以撥土匡時踏荒成解然稍增于締構奈罔備于規模今汝勤修慧炬播植福田度人宜體于三輪證果俾昇于二梵菲勞謙于後進當善繼于前修廣法師誦聽斯言恭承彼事應當振之善立匪石之心會頭陀僧義宏雅好遊方同語化道率王文襲寄數十人共結良緣將崇勝聚度功量費價何啻于萬緡糾邑隨緣數煩滿于千

室樂樓臺施林檎複結雲矗花磚霞舒丹雘奇標造立
三門之滿月時容妙畫鋪題四壁之芳蓮瑞相其基構
備也如彼其功德圓也若此香界初就道場永開閭浮
業廣咸歸精進之門兜率觀成悉有開生之路遠謀論
撰可叙因緣庶紀錄以具
存用刊修而克永同上

原寶坻城中有石幢高三丈凡七級石上雕刻工巧中

貫鐵柱頂以金為之金皇統中建俗傳下有海眼

長安
客話

原朝霞寺在縣西五里

寶坻
縣志

原元世祖至元十六年僉大都屬邑編民三百戶立屯

于大都之寶坻縣為田四百五十頃

元史
兵志

補正統戊辰寶坻縣民周本家馬生角長二寸 鑒別

補崇禎十五年大盜蘇鳴秋結其黨新時寇姜計民等聚衆于寶坻之埋珠莊勢張甚時吾鄉高工部承堤知

縣事以計禽之縣境以安 黃圖雜志

原吳師道陳教授捕蝗寶坻歌 去年之夏畿生蟲捕

除分道疾如風寶坻從事心獨苦調選強力休罷癰焚

告憐神神與通蝗自相食一夕空大書聯帛旌歸馬兒

童父老爭言功我聞開元相姚崇按舊古法昇火攻目

前除患事應爾潛孚乃在冥冥中當今明良布德澤四

幾斗米何難同近聞遺種時出地

若遺督捕無如公 吳禮部集

臣等謹按以上各條係寶坻縣

增寧河縣于雍正九年分寶坻之梁城所新設

寶坻縣新志

臣等謹按寧河縣分寶坻之東南鄉置屬順天府
在府東三百里

增縣東西距一百三十五里南北距一百三十二里東
至遵化州豐潤縣界四十五里西至武清縣界九十里
南至天津府天津縣界一百二十里北至豐潤縣界十
二里東南至豐潤縣界五十里西南至天津縣界一百
五十里東北至豐潤縣界二十五里西北至寶坻縣界
二十里

大清
一統志

原梁城在縣東南境五代劉仁恭築其子守光為燕王

時據之

名勝志

臣等謹按梁城即今之寧河縣境守禦千戶所今

改為縣治并立儒學于其旁俱雍正十二年建

原梁城即今梁城所在縣東一百四十里明置梁城守

禦千戶所

實城縣志

原七里海在縣東南一百三十里

同上

原七里海計二百五十二里有荒地二萬一千五百餘

頃太監汪直立莊于其中相傳為御用監公物而民墾其內者一千四百六十餘頃嘉靖初有姦民以水退地百餘頃欲奪民業投獻內監民訴之闕下遣主事柴儒往勘還奏曰民之久業輸糧飼馬煎鹽出稅養生送死出於其中不宜漁奪惟水退堪熟地可入本監然亦當聽民漁獵樵採上曰地既勘明如擬撥給內監餘悉與

民

明世宗
實錄

增三角淀在武清縣南八十餘里東西五六里南北十

餘里又東為四汭港四汭可四五里又東為西沽三十里合運河達天津七里海在寶坻縣東南一百三十里

通志七里海即北運河青龍灣藉以宣洩也

大清一統志

原紅心隄在縣東南二百里秦始皇所築潮水雖湧而

隄不沒

名勝志

原蘆臺軍在縣東南一百六十里後唐同光中劉守光

所置俗名將臺

同上

原後梁乾化三年三月朔晉周德威拔燕蘆臺軍

通鑑

原趙德鈞祠在蘆臺巡檢司德鈞鎮蘆臺軍推鹽院其

所置也

名勝志

臣等謹按推鹽院舊基元至正間改為儒學見寶

坻縣志

原金至寧元年八月衛紹王之變是日海水不潮寶坻
鹽司懼其虧課致禱無應九月宣宗即位乃潮金史
五行志

原大都之鹽太宗丙申年初于白陵港三叉沽大直沽
等處置司設熬煎辦世祖至元二年又增寶坻二鹽場

十九年改立大都蘆臺越支三义沽鹽使司一二十五

年復立三义蘆臺越支三鹽使司

元史食貨志

原張斛蘆臺峭帆亭詩 高秋客未還何處望鄉關喬木蒼烟外孤亭落照間雨晴山覺近潮滿水如聞日斷峒陽路歸雲不可攀 元好問云漁陽有峒陽故事中多及之 中州集

原蘆臺聖母廟距縣治一百六十里

寶坻縣志

原元平州路廬訪趙鑄重修蘆臺興寶聖母廟記 漁陽東南三百里有蘆臺馬面海背山左踞曠野右跨大河地僻而阜民勤而野男薪女汲聚土而煮之成醪而後已舟車水陸運之于民令貴富賤貧施倪大小均食之日獲萬緡以輸公府向者大安末河朔不逞之徒嘯聚山谷後天下萃人獲小康歲火庚寅國朝設十路徵

收所選通古今練錢穀明儒術嫻吏事者以補之前學
士陳公秀玉為舉首充燕路長前太學正趙德輝副之
明年辟鑄行提領關防鹽使司事于是集場中遺民五
七人俾誅茅剪棘拾瓦礫平陷穿屋而居之一日沿水
而西見有廟巍然勝曰聖母詢諸由來僉曰不知獨一
老龍道之昔五代時南北各據限以疆界幽燕之地鹽
絕者歲餘百姓病之忽有姚語人曰此地可煮土成鹽
遂教以煮之之法不數日俄失所在居人神之聖母之
蹟實自此始由是公私饒足祈祠下者皆如所請鑄固
濟之黎明有告者曰臺南十里蛟自如春雪者十數頃
其厚寸餘迫而視之則鹽也盡驅土人挾箕畚收之力
未竟復變而為水乃作瑞鹽歌以頌之學士陳公亦留
詩廟壁後二載鼎赫公未掌鹽改謁聖母祠仆者起之
聞者補之顛者扶之壞者成之天龍置之于左雷師風
伯安之于右廟貌一新焉屬鑄書之刻于石丁未年二
月望日也

寶坻縣志

按鼎赫滿洲語鴨也舊作

粘合今譯改

原翰林直學士高鳴興寶聖母廟記 至元二年大中

大天禮部侍郎倪德政為中都轉運使提領稅使司丹
珠爾丹同知使事寶坻縣鹽使曹嚴臣副之三人共政
勅無遺慮而又諮議石慶祥經歷王榮諸掾使交修參
贊盡祛宿弊與人誦其德不假侯聞之曰方今朝廷清明
法度修舉吾屬第行之惟謹何德之有若考其所自神
之錫汝不既大矣乎今聖母遺廟雖存風日隳圯苟能
完覆其廡幾矣聞場耆舊聞其言庀徒歲事不踰歲殿
堂門廡煥然一新歲在戊辰副使宦鶚鹽判張仲智李
士珍李昭管勾李伯俊劉甫等謀刻石以識本末介詳
議張君孝純來請予惟世之人有片能錄勿輒自負惟
恐人之不我與今侯福俗之能理財之勅著人耳目顧
乃溫恭恪遜與人言則歸美朝廷歸德于神之所自可
謂賢也矣 同上 按丹珠爾蒙古語續藏經名也丹
有也舊作答木丁今譯改

原高承誕蘆臺聖母廟神經辭我擊鼓兮潭如神之
來兮七十二沾我牲牢兮既薦神之去兮九十九澌煮
水兮海堧紛萬竈兮青煙魚龍安宅兮風
霧母作詔我民兮報祀有恪稽古堂集

欽定曰下舊聞考卷一百十三

欽定日下舊聞考卷一百十三舉正

朝霞寺原書朝訛作朔今據縣志改

朝霞寺條

明儒術嫺吏事原書嫺訛作閑今據縣志改

元趙鑄
盧臺聖

母廟
記條

欽定四庫全書
欽定日下舊聞考卷一百十三舉正

欽定四庫全書

欽定日下舊聞考卷一百十四

京畿

薊州一

原薊州在順天府東二百里

明一統志

臣等謹按薊州明初屬順天府

本朝因之在府東一百八十里

增州東西距一百十里南北距一百十五里東至遵化
州界六十里西至三河縣界十五里南至寶坻縣界六

十五里北至黃崖關五十里東南至遵化州玉田縣治
八十里西南至三河縣治一百二十里東北至遵化州
治一百二十里西北至平谷縣治七十里

大清
一統志

原禹貢冀州之域春秋戰國屬燕秦于此置漁陽郡兩

漢因之

太平寰
宇記

原晉為燕國及北平郡地後魏仍置漁陽郡隋初郡廢

開皇六年始置元州於此立總管府大業初府廢改置

漁陽郡唐初郡廢屬幽州

方輿
紀要

原漁陽廢縣即今州治隋置漁陽縣唐初入幽州武后時營州陷于契丹寄治漁陽神龍初縣改屬營州開元四年復屬幽州十八年置薊州治焉

原開元十八年析幽州之漁陽三河玉田三縣置薊州

取古薊門關以名州

太平寰宇記

臣等謹按古薊門關在州城東南六十里一名薊

邱今遺址尚存

原天寶元年復為漁陽郡就置靜塞軍乾元元年復為

薊州五代石晉割以賂遼遼號尚武軍金天輔五年議
以其地遺宋宋宣和四年賜名廣川郡七年金復取其

地仍名薊州屬中都

清類天文
分野之書

補宣和四年更漁陽縣名平盧

宋史地理志

原元屬大都路

清類天文
分野之書

原明仍為薊州以州治漁陽縣省入

方輿
紀要

原州舊有土城洪武四年甃以磚石圍九里十三步連
女牆高三丈五尺為堞二千四十北倚山原南瀕沽水

城門三各有樓東曰威遠南曰平津西曰拱極崇禎壬

午城拆毀僅存基一半

薊州志

原明陸樹聲薊州重修城樓記畧薊州為京輔要鎮左扼山海右控居庸背連古北距東西南各四百餘里而薊當其衝枕山帶河重關複鎮遞為應援以翼蔽畿輔又其東則朝鮮朵顏貢使往來率道境上南通西河魏饒食上田寶坻魚鹽之利雄甲他鎮故崇墉巨屏特設守備宿勁兵豐儲峙以顯城守城北阻岡不門惟東西南設三門上緣崇墉各建麗譙角樓弩穴分峙四隅中衝則建鼓樓屹立與三門等俯瞰閭闔足稱壯鉅歲久傾圯寢失舊觀臬司西平王君諸戶曹固安段君鍊圖新理之經始于嘉靖二十六年六月落成于二十八年七月陸

文定集

臣等謹按州城於康熙四十一年

賜帑重修城門三各建樓一座東曰永固西曰永寧南
曰永康四角各建角樓一座正北無門城上有樓
一座曰北極臺

增

聖祖仁皇帝御製駐蹕薊州城南遠眺山村詩 萬騎
驂驪擁薊城風行雷出遠天清微霜細草野狐懼寒露
荒烟山鳥鳴捲幔浮涼侵帳殿倚牀明月似都京欣隨

聖母遊情曠深夜還思勉素誠

增

聖祖仁皇帝御製薊城遇雪詩 凍雲封樹薊城西玉

蕊輕盈亂馬啼憶想年年常過此何曾瑞雪遍山谿

增乾隆十年

御製二月十五日過薊州即事書懷詩 朕起鱗塍淨

絕塵沿塘初見柳條新薊州西畔經行處已有江南一

段春 矮屋疎籬逕轉斜寥蕭詩景湊懷餘當春最有

傷春者何必花朝更看花 朝來快雪喜新晴添得溪
流活活聲若比去年差較勝東郊是處可深耕 幾年
來往薊州道不覺髭鬚換少顏天外遠山常住體白雲
蒼樹只閒閒

臣等謹按過薊州

御製詩恭載首見之篇餘不脩錄

原沈邁題漁陽圖詩

燕山自是漢家地北望分明掌

股間休作畫圖張屋壁空令壯士老朱顏

西谿集

原王世貞登薊州城樓作 登危不妨蠟屐踏坐自側
烏紗鐵嶺高天一綫漁陽落日千家 弁州山人稿

補張永禎薊州道中作 匹馬漁陽道休嗟行路難霜
林無定葉秋水有餘寒古塞斜陽下征鴻亂葦殘盤山

凝望裏烟外出層巒
歲輔詩存

原安帝建光元年初置漁陽營兵

後漢書

補漢安帝延光四年秋七月乙丑漁陽城門樓災

同上

原禰衡擊鼓作漁陽參槌踊地來前踊馭足脚容態不
常鼓聲甚悲易衣畢復擊鼓參槌而去至今有漁陽參
槌自衡始也

文士傳

臣等謹按後漢書禰衡傳作漁陽參槌注槌擊鼓

杖也參槌擊鼓之法此作槌義同

補天興元年秋七月漁陽烏九庫俸官韜聚黨為寇詔
冠軍將軍王建討平之魏書道武帝紀

補武德元年高開道陷漁陽郡有馬數千匹眾且萬人
自立為燕王都漁陽舊唐書本傳

原盤安軍節度判官富察集賽與雞澤縣令溫特赫實
芳努同守薊州眾潰而出集賽實芳努死之詔贈集賽

金紫光祿大夫薊州刺史實芳努鎮國上將軍薊州刺
史仍命樹碑以時致祭金史忠義傳按富察舊作

蒲察從八旗姓譜改正集賽義見前溫特赫舊作溫
迪罕從八旗姓譜改正實芳努舊作十方奴今照對

改音譯

補馬宣建文初為都指揮守薊州靖難師起宣與鎮撫
曾濬開城堅守文皇遣將反復諭之不可張玉擁眾急
攻宣率眾出戰陣歿濬亦死之忠節錄
補弘治癸丑薊州守臣奏閏五月既望辰巳之際本州

忽然晝晦天雷迅烈室廬撼動風勢狂猛瓦石皆飛電
光交掣紅紫奪目見空中雷神無數形狀不一顏色難
辨皆披甲冑各執兵械或劍斧鉞鑿或鎗刀旗戟或縹
緋枷鎖攝人起空中移時復擲下其震死者身體手足
分裂異處凡九人又震牛十九頭亦皆身足分裂復拔
去舌又在地震死者人牛復有十數攝上而復擲下者
八九十人皆無恙皇天震怒誅遺慘烈州人戰栗駭
隕不知何以獲罪于天也

治世餘聞錄

原州治在城東北仍遼金舊址元至正間達魯噶齊拓
而更新之明初重建景泰三年芝產于堂後知州事姚
恭因扁曰靈芝堂成化間知州汪溥重修至崇禎壬午

焚燬

蘭州志 按達魯噶齊
舊作達魯花赤今譯改

卷一百十四
臣等謹按州治自崇禎壬午焚燬後

本朝順治四年知州文煥重建靈芝堂已廢

原儒學在州治西北

薊州志

增州學在拱星街洪武七年修整

國經志書

臣等謹按薊州學有金正隆元年翰林直學士施

宜生撰漁陽重修宣聖廟學碑字蹟剝落難考又

有元大德十一年翰林承旨閻復代草加至聖位

號制碑明嘉靖二十七年戶部郎中張拱碑萬厯

四年翰林成憲碑

本朝順治七年庶吉士周體觀碑康熙四十年兵部尚

書王宏祚碑今俱存

增明張拱重修薊州儒學文廟記畧 薊州畿內名郡
州西北為儒學左方為文廟肇建於唐迄于歷世或修
或燬洪武初復建之間有修葺久復漸敝西平王君以
東藩副憲提刑茲土下車展謁大懼諸所廢失弗稱具
瞻注意經營選材立陶經始于丁未之秋落成于戊申
之夏帑不加費民不知勞而成功可觀矣王君名誥由
進士歷官中外所至以興學校為首務善政善教茲不
盡書云 薊州志

增明成憲重修薊州儒學記畧 薊州於京師為三輔
郡蓋幽燕雄麗之都會也奇淑所鍾實生賢哲士之以

功業文章表見者代有其人萊陽王侯鴻儒以令尹推
守于薊州先文毅力挽頽風會晉江蔡君時雍以鄉貢
士來署學事睹學之漸圯懼無以時居游而聳瞻嚮督
司訓侯君一貫李君良輔程君式以修葺請于州於是
會集程物鳩工戒徒涓日將事越數月厥工乃訖為先
師殿為東西廡為戟門為櫺星門為尊經閣為敬一箴
亭為明倫堂咸煥然新焉於其
請也不辭而為之記
同上

原薊州有預備倉

四鎮三
關志

臣等謹按預備倉在城內東北隅久圯今即其址

改建河神廟

原薊州衛在州治東北洪武八年建鎮朔衛在薊州衛

西永樂中建又營州右屯衛本在大寧衛境永樂二年

移建州治北

方輿紀要

臣等謹按薊州鎮朔等衛今俱廢

原獨樂寺在州治西南中有傑閣設大士像相傳盤山舍利塔神燈自塔而下先獨樂而後及諸佛刹云

薊州志

臣等謹按獨樂寺在城內州治之西觀音閣大士像今俱存乾隆十八年

賜帑重修寺內恭懸

皇上御書額曰普門香界聯曰琳宇近神畿慈雲廣蔭
法筵傳古蹟寶月常新又曰絕無塵相染初地定
有天花落講臺旁建精舍聯曰短長詩句閒中檢
來往年華靜裏觀皆

御書

原獨樂寺不知創自何代至遼時重修有翰林院學士
承旨劉成碑統和四年孟夏立石其文畧曰故尚父秦
王請談真大師入獨樂寺修觀音閣以統和二年冬十

月再建上下兩級東西五間南北八架大閣一所重塑

十一面觀世音菩薩像

盤山志

臣等謹按劉成碑今無考

補遼時漁陽有獨樂道院沙門圓新居之見盤山感化

寺窳堵波記

黃圖
雜志

增乾隆十年

御製寄題獨樂寺詩
欲留羲御問遷移便是拈花不

語時丈六金身應好在春風過客偶相思禪心遠逐穿

雲磬古蹟空傳沒字碑烟柳絲絲新綠嫩即看拖地有
長眉

增乾隆十二年

御製過獨樂寺戲題 我是先憂人羞稱獨樂寺獨樂

樂無著先憂憂未墜寂靜彼禪房往者曾題字春風馬

上看自哂成何事 梵宇久凋零落色源流畫

佛有十
二原流

僧家多畫
于壁間 云胡無礙佛運亦有隆殺闍黎志安飽六檀

非所快頽風不獨茲若曹奚足怪

臣等謹按獨樂寺

御製詩謹繹有關紀述者恭載卷內餘不備錄

原廣福寺在州治北儒學之東

薊州志

臣等謹按廣福寺今圯明正統中少傅胡濙萬厯中祭酒成憲二碑僅存

增明胡濙賜廣福寺名記畧夫二儀既判萬物備周後漢西方生佛不化而善不言而信法雷聲振于中州佛日光流于上苑順天府薊州城中崇善古刹之基歲久圯墮敗屋數楹真澤長老募于檀越建殿宇裝佛像煥然一新經始于宣德癸丑正月落成于正統戊午二月寺既成蒙恩賜額曰廣福寺

薊州志

增明成憲修廣福寺碑記畧 蓋聞祇園闡教流法雨
於大千舍衛傳經布慈雲于億劫凡瞻佛日俱免沉淪
諸被祥光咸從智慧薊城街北有寺名廣福蓋敕賜古
刹也其地西壁學宮南兗州治冠蓋往來士民瞻仰乃
歲久廢弛日以傾圮畫像或結伊威鐘簾將淪蟪蛄
寺長老名雲光鄉善人蔣君名菊者憫古跡之凋殘悼
佛刹之荒廢共發菩提之心始葺蘭若之舍日斯邁而
月斯征棄捐無毀寸有積而尺有累誠願愈堅用是協
謀乃宏茲構厥工落成之
後爰徵記事之詞 同上

原塔下寺在州治西內

同上

臣

等謹按塔下寺一名白塔寺今廢塔尚存

補高承延宿薊州塔下寺詩 樹色漁陽少僧廊塔下
開爐中分佛火檻外即香臺露草吟蟲苦風鈴怖鶴來

雞蘇問遺砦覽古思

徘徊 稽古堂集

原靜安寺在漁山之西舊名醴泉院遼道宗賜額淨名

寺金大定間改今名

盤山志

臣等謹按靜安寺在城外西北三里今廢

原香林寺在薊州城北二里翁同鵠泉流峙左右薊亭

之勝槩也

盤山志

臣等謹按香林寺明萬厯中重修有翰林院侍讀

馮有經碑記尚存

本朝康熙年間重修

補馮有經重修香林寺碑畧香林寺距漁陽約二里許東則鐵嶺龍蟠西則漁山鳳翥北則魏峯直矗南則平阜起忽蓋輟自漢緒于唐迨明正統嘗葺治焉日月易邁殿宇漸頽董君懋修發重修之願邀夫同志各有所施因基就制揆日鳩工經始于萬歷丙午之二月落成于戊申之四月

蕪州志

原定慧寺在城西二十五里小盤山一名瓦茶寺今廢盤山志

臣等謹按小盤山在盤山東北盤之支山也定慧寺久圯

原法常寺在亂石莊西惟石幢古井在焉

盤山志

臣等謹按亂石莊在盤山南麓

皇上賜名曰玉石莊法常寺久圯石幢古井俱無考

原漁山在城西北三里高百餘丈周五里郡在此山之

南故曰漁陽水遶山下故曰漁水

圖經

補漁山多泉冬夏歛涌成湖土人因之開為稻田菰蒲

符藻宛似江南也

四正山居志

臣等謹按漁水一名龍池河

原漁陽本漢舊縣地理志漁陽郡管縣十二一曰漁陽

以北有漁水縣在漁北因曰漁陽

清類天文分野之書

原鮑邱水從塞外來南過漁陽縣東又南過潞縣西又

南至雍奴縣北屈東入于海

水經注

原漁水出漁陽東南平地泉流西逕故縣城南今城在
斯水之陽漁陽之名當屬此秦發閭左戍漁陽即是城

也

同上

臣等謹按清類天文分野之書及水經注所云則

漁陽故縣當在漁水之西北而漁陽郡則在漁水之東南也

原避暑亭在州西北五里相傳金章宗避暑於此

寰宇通志

臣等謹按避暑亭今無考

原翁同山一名空同山在薊州城北五里上有崔府君祠又呼府君山舊有日照寺寺有圓覆法師舍利塔金大定九年進士孫設撰記甃塔之東其西又有小石碣列建塔居士沙門姓名

盤山志

臣等謹按空同山崔府君寺尚存日照寺久廢金時石碣塔記皆無考

原空同山相傳黃帝問道之所

名勝志

原遵化南三十里亦有空同世謂黃帝謁廣成在此非

也

路史注

朱彞尊原按岷州原州肅州汝州薊州贛州皆有
空同山史黃帝本紀西至於空桐登雞頭世以為
隴右之山無致疑者左傳哀公二十六年宋景公

游于空澤卒於連中大尹興空澤之士千甲奉公
自空桐入則汝州之山也山下有廣成城廣成澤
上有廣成觀宋宣和中汝守林時請于朝建立說
者謂裏城具茨壤地相接疑軒皇問道當於此地
然稽之爾雅北戴斗極為空桐空桐之人武司馬
彪注莊子亦云空桐當斗之山則空桐宜在北矣
且問道之文載於莊子其初往見廣成子謂帝不
足以語至道退而築特室席白茅閒居三月復往

要之廣成子南首而卧帝順下風膝行而進當日
帝邑于涿鹿之阿去薊甚邇故不難復要之又寰
宇記薊縣有笄頭山空桐笄頭相去不遠而陳子
昂薊邱覽古詩云尚思廣成子遺跡白雲隈然則
薊之空桐未可定其非黃帝問道之所也

臣等謹按空同山朱彞尊原按據爾雅及司馬彪
莊子云在今薊州未為無見

原白馬泉在空同山下

薊州志

臣等謹按白馬泉在薊州三里有明時郡人成憲

記

增明成憲白馬泉記畧 白馬泉在空同山之麓山巔有崔府君祠在焉俗傳府君常乘白馬飲於此泉以得名然不知其何所攷也泉源廣大許深可三四尺水常以盛夏出歷秋冬始涸其渟涵澄澈鑑人毛髮如寶鏡之出于匣其清冷與利沁人肌骨如冰壺之置于室其流波噴湧而南注激如喧飀行如漱玉聲響清耳迤邐而不絕上則古木蔽虧有陰可蔭下則豐草蒙密有藉可眠蓋薊門一勝地也 州冊

原薊州邵權平衡於東門之外翁同山之下構一室命

之曰約齋

吳文正集

臣等謹按約齋遺址無考

原鐵嶺在城北十里石色如鐵懸澗極深

藺州志

臣等謹按鐵嶺在空同山之北

原廣漢川俗名黃崖川

藺州志

原洵水在州北四十里一名廣漢川發源黃崖口一支西南流經盤山之陰入平谷為洵河一支東南流經盤山之陽過三义口入寶坻縣之白龍港宋廣川郡之名

以此

方輿紀要

臣等謹按廣漢川源出塞外從州北之黃崖關流入境水分為二一支西南流經盤山之陰為獨樂河平谷靈山泉水注之入三河為洵水過草橋河匯盤山左去之水至三义口入寶坻縣之白龍港一支東南流經薊南五里橋匯盤山右去之水入激流河方輿紀要以東南流一支謂入寶坻縣之白龍港則仍是西南流一支之水矣謹辨其謠於此

原雄武城故廣漢川也

唐書志注

臣等謹按雄武城今僅存遺址

原安祿山築壘范陽城北號雄武城時兵積穀

唐書本傳

原祿山歸范陽築雄武城外示禦寇內貯兵器養同羅

及降奚契丹曳落河八千餘為已子又畜單于護真戰

馬數萬匹牛羊五萬餘頭

安祿山事蹟

原雄武城在州東北唐天寶六載安祿山築其後置軍

使于此為州境要地會昌二年回鶻部將那頡啜南趨

雄武軍窺幽州節度使張仲武遺軍敗之廣明初盧龍
帥李可舉吐谷渾都督赫連鐸共討沙陀李克用分兵
守朔州自將其衆拒可舉于雄武軍即此

方輿
紀要

補張仲武少業左氏春秋擲筆為薊北雄武軍使

舊唐書
本傳

原杜甫漁陽詩 漁陽突騎猶精銳赫赫雍王都節制
猛將飄然恐後時本朝不入非高計祿山北築雄武城
舊防敗走歸其營繫書請問燕耆
舊今日何須十萬兵 杜工部集

原廣明元年七月李克用自雄武軍引兵還李可舉遣
行軍司馬韓元紹邀之于藥兒嶺大破之又敗之于雄

武軍之境

通鑑

原藥兒嶺在雄武軍西

通鑑注

原五里鎮在州西五里宣德三年駕至五里鎮遂前行

至石門驛是也

方輿紀要

臣等謹按石門驛隸遵化州境

原宣德三年九月上駐蹕薊州西五里橋進州官諭之
曰此漢漁陽郡也昔張堪為政民有樂不可支之歌流
傳至今古今人才不相遠爾曹勉之

明宣宗實錄

臣等謹按州西五里橋尚存

原河陽在州西五里亦名五里河源出城西鵝毛臺臺亦名紙坊山下流入于沽水水性暖遇寒不冰故曰陽河相去一里有涼泉水出地中方廣丈餘盛暑彌涼因

名

方輿紀要

臣等謹按陽河俗名西海子

原獮平城在州西漢縣屬漁陽郡東漢因之服虔曰獮

音輦

方輿紀要

臣等謹按獐平城遺址無考

原獐平莽曰平獐

漢書注

原建安十三年郡烏丸攻鮮于輔于獐平八月公渡河

救獐平烏丸奔走出塞

魏志太祖紀

原縣入晉廢

方輿紀要

原安遠城在城西北唐末置安遠軍五代晉將周德威

攻燕拔安遠軍薊州將成行言等降

方輿紀要

臣等謹按安遠城今無考

原雞蘓砦在州西五代梁開平二年劉守文以滄州之衆并招契丹吐谷渾共討其弟守光戰于雞蘓砦為守

光所獲

方輿紀要

臣等謹按雞蘓砦今無考

補薊州舊有黎豁縣廢置皆未詳

金史地理志

原遼會同九年九月閱諸道兵于漁陽西棗林淀

遼史

原元天曆元年九月托克托穆爾與遼東軍戰薊州之

檀子山

元史文宗紀

原十月雅克特穆爾及陽翟王太平國王多羅台戰于

檀子山之棗林唐其勢陷陣殺太平餘皆宵遁

元史本傳按

多羅蒙古語七數也

舊作朶羅今譯改

原尼古勒領軍六百人迎敵通州會丞相雅克特穆爾

至檀子山與圖門岱爾戰敗之

同上按尼古勒蒙古語罪孽也舊作捏古刺

今譯改

原沙河在城西二十五里源出盤山經沙嶺之麓東南

會五里河入沽河

蘭州志

臣等謹按沙河一名沙流河

原瀑水在城西二十五里出于石山之麓流經塔山之

陰有泉自石竇出極清冷初夏或有冰浮出

薊州志

臣等謹按瀑水在州西三十里從盤山之陰而來

南流合白澗泉入沽河

補薊州三十里至邦軍店三十五里至下店

松漠紀聞

朱昆田原按邦軍今志作邦均下店今志作夏店

臣等謹按邦均店在州西三十里夏店隸三河縣境

增賢渠泉在賢渠莊之東北平地有泉涌出南流至柳

子口入沽河

薊州志

臣等謹按賢渠泉在州西南十六里

增乾隆八年

御製過賢渠莊望盤山詩 馬上看山色猶記登臨美
他年視今朝何以異乎此

臣等謹按賢渠莊

御製詩恭載首見之篇餘不備錄

原白澗在城西四十里發源於盤山西峪經沙流河水
色澱碧上有白澗寺

增州西四十里為白澗莊恭建

行宮其東有香華庵

州冊

臣等謹按香華庵正殿恭懸

聖祖仁皇帝御書額曰香林法界乾隆十五年奉

敕重修有

御製香華庵記勒石庵中

增

御製香華庵碑記 白澗行宮之左有香華庵不知其
敕建所自蓋舊刹也乾隆己巳秋朕奉

皇太后幸盤山之便

慈輿偶臨此寺詢知為女僧焚修地因其殿宇湫隘且
就傾圯因

命出內帑新之越數月工竣所司立碣石請記歲月乾
竺氏書言佛法譬如大雲遍覆一切其雲所出一味之

水草木叢林隨分受潤一切諸樹上中下等稱其大小各得生長根莖枝葉華果光色一雨所及皆得鮮澤盖雨露所覃隨在沾被大小遠近惟其所受此天地之所以為大而具佛慧性者能之恭惟

聖母崇慶慈宣康惠敦和皇太后慈恩溥博周洽海宇
茲庵在畿甸鄉曲中小招提耳而以附近離宮

慈駕經臨得邀修葺

大慈之所流露隨在作佛事即此是香臺鹿苑曾何大

小之區分用是承

命叙言錫之貞珉

增乾隆九年

御製白澗行宮晚坐詩 離宮迤邐偶停驂魄月遲遲

上遠嵐象外真詮誰得會環中佳趣我須諳山容自寫
癡黃幅徑曲遙通古佛庵憶昔閒吟瀟灑地遷無遷處
正宜參

臣
等謹按白澗

行宮

御製詩恭載首見之篇餘不備錄

欽定日下舊聞考卷一百十四

欽定日下舊聞考卷一百十四舉正

烏丸原書訛作犀盜今據魏書改

天興元年條

有馬數千匹原書數訛作乘今據本傳改

武德元年條

欽定日下舊聞考卷一百十四舉正